

Maria Markotegi

2025
Sariak



Narrazio laburra-Poesia-Komikia-Booktubea

MARIA MARKOTEGI SARIAK 2025

Oinarriak

PARTE HARTZAILEAK: Lehiaketa honetan bizitokia edo ikastetxea Sakanan duten ikasleek har dezakete parte.

SAILAK: Lehiaketak lau sail izanen ditu: narrazio laburra, poesia, komikia eta booktubea.

KATEGORIAK:

Lehiaketan honako kategoria hauek bereziko dira:

- A) LHko 3. eta 4. mailetako ikasleena.
- B) LHko 5. eta 6. mailetako ikasleena.
- C) DBHko 1. eta 2. mailetako ikasleena.
- D) DBHko 3. eta 4. mailetako ikasleena.

LANAK AURKEZTEKO EPEA: Lanak aurkezteko epea 2025eko apirilaren 7tik 25era bitartekoa izanen da. Lehiaketan parte hartzeko lanak ikaste-
txeek zein gurasoek/tutoreek aurkeztu ahal izanen dituzte ikasleen izenean.

LANAK AURKEZTEKO MODUA: Lan guztiak goitizen batez izenpetuko dira. Aparteko gutun-azal batean egilearen datuak sartuko dira antolakuntzak banatutako ereduaren idatzirik. Gutun-azalaren kanpoko aldean garbi adierazi beharko dira honako hauek: lanaren izenburua, egilearen goitizena, saila eta kategoria. **Lanak Sakanako Mankomunitateko Lakuntzako bulegoan aurkeztuko dira.**

Sakanako Mankomunitatea
Uriz 32
31830 Lakuntza

Booktubek USB batean entregatuko dira. Egileen datuak aparteko fitxategi batean sartuko dira USB horretan bertan.

BALDINTZAK:

- a) Lanak originalak, aurrez saritu gabeak, argitaratu gabeak eta euskaraz sortuak izanen dira.
- b) Gaia librea izanen da booktubeean izan ezik. Horietan irakurritako euskarazko liburu bat aurkeztuko da. Liburuaren titulua, egilea(k) eta argitaletxea aipatuko dira betiere.
- c) Ez dira bertsopaperak ametituko.
- d) Lanek ondoko luzera izanen dute:

	Narrazio laburra	Poesia	Komikia	Booktubea
A	Orrialde 1 gutxienez 4 orrialde gehienez	10 lerro gutxienez 50 lerro gehienez	Orrialde 1 gutxienez 2 orrialde gehienez	
B	2 orrialde gutxienez 5 orrialde gehienez	20 lerro gutxienez 50 lerro gehienez	Orrialde 1 gutxienez 3 orrialde gehienez	
C	3 orrialde gutxienez 6 orrialde gehienez	30 lerro gutxienez 80 lerro gehienez	2 orrialde gutxienez 4 orrialde gehienez	1,5 min. gutxienez 2 min. gehienez
D	4 orrialde gutxienez 7 orrialde gehienez	40 lerro gutxienez 80 lerro gehienez	2 orrialde gutxienez 5 orrialde gehienez	1,5 min. gutxienez 3 min. gehienez

- e) Narrazio laburrak eta poemak ordenagailuz idatzirik aurkeztuko dira. 12 puntuko hizki-tamaina erabiliko da. Ez dira eskuz idatzitako lanak onartuko.
- f) Komikiak zuri-beltzean edo koloretan aurkeztuko dira. DinA3 tamainako orrietan ongi ikusi ahal izateko testuak. Ez dira onartuko ordenagailuz egindako lanak.
- g) Lanak bakarkakoak izanen dira, booktubek izan ezik. Horiek binaka egin ahal izanen dira. Ez dute zertan biek agertu bideoan.
- h) Ez dira adimen artifizial bidez egindako lanak onartuko.

SARIAK: Aurkezten diren lan guztien egileek oroigarria jasoko dute. Guztira hogeita zortzi sari izanen dira:

	Kategoria	Saria	Liburu denda batean erabiltzeko txartela
A	LHko 3. eta 4. mailetako ikasleena	2 sari	60 € (bakoitza)
B	LHko 5. eta 6. mailetako ikasleena	2 sari	80 € (bakoitza)
C	DBHko 1. eta 2. mailetako ikasleena	2 sari	100 € (bakoitza)
D	DBHko 3. eta 4. mailetako ikasleena	2 sari	120 € (bakoitza)

SARI BANAKETA: Ahal izatera, sari banaketa ekitaldi publiko batean eginen da. Datu Pertsonalak Babesteko 2016/679 Erregelamenduak ezarritakoa betetzeko, adingabeen kasuan, parte-hartzaileen gurasoek edo tutoreek onartu egiten dute parte-hartzaileei argazkiak ateratzea sari banaketa ekitaldian Sakanako Mankomunitateko euskarri komunikatiboetan zein hedabideetan zabaltzeko. Horretaz gain, baimena ematen dute saritutako bideoak sari banaketan plazaratzeko. Adinez nagusiak direnen kasuan, haiek beraiek izanen dira baimena emango dutenak.

ARGITALPENA: Sakanako Mankomunitateak lehiaketara aurkeztutako lanak argitaratzeko eskubidea izango du, paperean zein webgunean, betiere

egileen izenak adieraziz.

EPAIMAHAIA: Epaimahaiko kideak Sakanako Mankomunitateko lehendakariak izendatuko ditu. Aurkeztutako lanek gutxieneko mailarik ez balute, sariak eman gabe utzi ahal izango lirarteke. Era berean, sariak ex *aequo* moduan banatu ahal izanen dira lan batzuen artean. Epaimahaiaren erabakia apelaezina izanen da.

DATUEN BABESA: Sakanako Mankomunitateak bermatzen du datu pertsonalen babesari buruzko indarreko araudia beteko duela, zeina Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoan jasotzen baita. Orobat, pertsona fisikoen babesari dagokionez, 2016ko apirilaren 27ko Europako Parlamentuaren eta Kontseiluaren 2016/679 Erregelamenduan ezarritakoa beteko da.

Sakanako Mankomunitatea da lehiaketa kudeatzeko eta saria emateko xedez erabiliko diren datu pertsonalen arduraduna. Ez da daturik lagako legeak hala aginduta izan ezik. Parte hartzaileen guraso zein tutoreek eskubidea dute datuetan sartzeko, datuak zuzentzeko —zuzenak ez badira— eta horiek ezabatzeko erregistro orokorrera edo egoitza elektronikora joaz. Adinez nagusiak direnen kasuan, haiek beraiek izanen dira baimena ematen dutenak eta beren eskubideak gauzatuko dituztenak. Datuen tratamendu-zerrenda eta informazio osagarria www.sakana-mank.eus webgunean daude.



A Izenburua Ikaslearen goitizena


K Ikaslearen izen-abizenak

I Ikaslearen helbidea (ez ikastetxekoa)

L Ikaslearen posta-kodea Ikaslearen herria

P Ikaslearen telefonoa (edo guraso zein tutoreena) e-posta (ikaslearena, ez ikastetxekoa)

Ikastetxea Ikasmaila



Antolatzailea **Mank**
s a k a n a